



ხელშეკრულება № 4

ნორმატიული აქტების
საინფორმაციო-საძიებო სისტემა
"კოდექსი-ოფისი 2007 R3"-ის
ინფორმაციულ მომსახურებაზე

ქ. თბილისი

25 იანვარი, 2013წ.

ერთის მხრივ, შ.პ.ს. "ინფოსერვისი", წარმოდგენილი მისი დირექტორის, ზურაბ თეთრაძის სახით (შემდგომში "შემსრულებელი"), და მეორეს მხრივ, ისანი-სამგორის რაიონის საგანმანათლებლო რესურსცენტრი, წარმოდგენილი მისი უფროსის, ნანა ჩეკურიშვილის სახით (შემდგომში "დამკვეთი"), „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ს1“ ქვეპუნქტის შესაბამისად, გამარტივებული შესყიდვის საშუალებით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. შემსრულებელი გადასცემს საკანონმდებლო და კანონქვემდებარე აქტების საინფორმაციო-საძიებო სისტემას – "კოდექსი-ოფისი 2007 R3" - შემდგომში "კოდექსი-ოფისი" (CPV კოდი: 48614000). "კოდექსი-ოფისი" მუშაობს ოპერაციულ სისტემებში – MS WINDOWS 7/XP sp3, და შედგება სამი პროგრამისაგან:

- ა) "კოდექსი-ოფისი 2007 R3"
- ბ) და "კოდექსი-ოფისი 2007 R3- კოდიფიცირებული"
- გ) "კოდექსი-ოფისი 2007 R3 – საერთაშორისო ხელშეკრულებები"

1.2. "კოდექსი-ოფისი 2007 R3" მოიცავს:

- საქართველოს კონსტიტუციას;
- საქართველოს პარლამენტის კანონებსა და დადგენილებებს;
- საქართველოს პრეზიდენტის (პარლამენტის თავჯდომარე – სახელმწიფო მეთაურის)

ბრძანებულებებსა და განკარგულებებს;

- საკონსტიტუციო სასამართლოს გადაწყვეტილებებსა და პლენუმის დადგენილებებს;
- საქართველოს რესპუბლიკის მთავრობის (მინისტრთა საბჭოს, მინისტრთა კაბინეტის)

ძირითად დადგენილებებს;

- საქართველოს ეროვნული ბანკის, საგადასახადო სამსახურისა და ფინანსთა სამინისტროს მიერ 1993 წლის 1 იანვრიდან მიღებულ ძირითად კანონქვემდებარე და ნორმატიულ აქტებს (დადგენილებები, ინსტრუქციები, დებულებები, მითითებები, წერილები და ა.შ.);

- ქ. თბილისის საკრებულოსა და მერიის დადგენილებებს, გადაწყვეტილებებს, ბრძანებებს, აგრეთვე მუნიციპალიტეტის კაბინეტის დადგენილებებს;

- სამინისტროების, კონტროლის პალატის, გენერალური პროკურატურის სხვადასხვა სახელმწიფო სამსახურების (დეპარტამენტები, კომისიები, სააგენტოები და სხვა) მრავალ დოკუმენტს.

- 1.3. "კოდექსი-ოფისი 2007 R3 კოდიფიცირებული" მოიცავს კოდიფიცირებულ საქართველოს ყველა კანონსა და კოდექსს;

1.4 "კოდექსი-ოფისი 2007 R3 – საერთაშორისო ხელშეკრულებები" მოიცავს საერთაშორისო ხელშეკრულებებს, შეთანხმებებს, ოქმებს, დეკლარაციებს, მრავალმხრივ ხელშეკრულებებს, საერთაშორისო კონვენციებს;

1.5. ინსტალაციის მომენტში "კოდექსი-ოფისი"-ს ინფორმაციული ბაზების მოცულობა შეადგენს 60881 დოკუმენტს (53959+5021+1901=60881)

2. სამუშაოთა ღირებულება და ანგარიშსწორების წესი

2.1. მონაცემთა ბაზების ყოველკვირეული ინფორმაციული განახლება ერთ კომპიუტერზე ანაზღაურდება თვეში 40 (ორმოცი) ლარის ოდენობით, ხოლო "კოდექს-ოფისი"-ს სხვა კომპიუტერებზე დაყენების შემთხვევაში, ყოველ დამატებითი კომპიუტერისათვის აღნიშნულ თანხას თვეში დაემატება 10 (ათი) ლარი;

2.2. ხელშეკრულების ფასია თვეში 70 (სამოცდაათი) ლარი, მათ შორის იანვრის თვის გადასახდის;

2.3. ხელშეკრულების ღირებულებაა 840 (რვაასორმოცი) ლარი;

2.4. გადახდა მოხდება ყოველთვიურად, წარმოდგენილი საგადასახადო ანგარიშ-ფაქტურის მიხედვით;

2.5. დამკვეთი იღებს ვალდებულებას აუნაზღაუროს შემსრულებელს ამ ხელშეკრულებით განსაზღვრული ღირებულება ანგარიშ-ფაქტურის წარმოდგენიდან 10 კალენდარული დღის განმავლობაში;

2.6. ზემოთ ჩამოთვლილი ყველა თანხა მოიცავს კანონმდებლობით გათვალისწინებულ ყველა ხარჯს, მათ შორის დამატებითი ღირებულების გადასახადს.

3. მხარეთა პასუხისმგებლობა

3.1. შემსრულებელი ვალდებულია განახორციელოს "კოდექს-ოფისი-ს" ინფორმაციული განახლება არანაკლებ ორ კვირაში ერთხელ, ახალი საკანონმდებლო და ნორმატიული აქტების მიღების შესაბამისად.

3.2. "კოდექს-ოფისი"-ს ინფორმაციული განახლება მოხდება ელექტრონული ფოსტის გამოყენებით.

3.3. დამკვეთი ვალდებულია დაიცვას საინფორმაციო-საძიებო სისტემა "კოდექს-ოფისი" არასანქცირებული გამრავლებისაგან.

3.4. წინამდებარე ხელშეკრულება არ გულისხმობს "კოდექს-ოფისი"-ზე საავტორო უფლებების გასხვისებას ან რაიმე ფორმით გადასვლას "შემსყიდველზე". აღნიშნულ პროგრამაზე საავტორო უფლებები ეკუთვნის პროგრამის ავტორს და დაცულია საქართველოს კანონმდებლობით.

3.5. "მიწოდებელი" იძლევა გარანტიას, რომ გაწეული მომსახურების ხარისხი დააკმაყოფილებს ხელშეკრულების მოთხოვნებს ("მიწოდებელი" არ იღებს პასუხისმგებლობას "კოდექს-ოფისი"-ს ბაზაში შემავალი დოკუმენტების სიზუსტეზე).

3.6. დამკვეთის მხრიდან პროგრამის ბაზაში შემავალ რომელიმე დოკუმენტში აღმოჩენილი უზუსტობის შესახებ კონკრეტული დასაბუთებული შენიშვნის მიღების შემთხვევაში, შემსრულებელი უზრუნველყოფს მოთხოვნის მიღების დღიდან ორი კვირის განმავლობაში შეცდომის გასწორებას.

4. ფორს-მაჟორი ანუ გაუთვალისწინებელი შემთხვევები

4.1. თუ ხელშეკრულებით ნაკისრი ვალდებულებების შეუსრულებლობა განპირობებული იყო ხელშეკრულების მხარისაგან დამოუკიდებელი დაუძლეველი ძალის გარემოებების ზემოქმედებით, რომლებიც შეუძლებელს ხდიან ხელშეკრულების მხარის მიერ ვალდებულებების დროულად და/ან სათანადოდ შესრულებას, ხელმომწერი მხარე თავისუფლდება პასუხისმგებლობისაგან ამ დაუძლეველი გარემოებების (შენდგომში ფორს-მაჟორი) მოქმედების მანძილზე.

4.2. ხელმომწერი მხარე ან მისი უფლებამონაცვლე, რომელიც ფორს-მაჟორს იმოწმებს, მოვალეა დაუყოვნებლივ აცნობოს მეორე მხარეს წერილობით (დასაშვებია შეტყობინება ელექტრონული ფოსტის მეშვეობით), ფორს-მაჟორული გარემოებების ზემოქმედების დაწყების და შეწყვეტის შესახებ.

5. ხელშეკრულების განსაკუთრებული პირობები

5.1. ეს ხელშეკრულება შეიძლება შეწყდეს ან შეიცვალოს მხარეთა ორმხრივი შეთანხმებით. გარდა ამისა, ხელშეკრულების თითოეულ მხარეს უფლება აქვს ვადაზე ადრე შეწყვიტოს ხელშეკრულება ცალმხრივად, ისე, რომ მას ამისთვის არ დაეკისროს პასუხისმგებლობა, თუ შეწყვეტის შესახებ მეორე მხარეს წერილობით შეატყობინებს (დასაშვებია შეტყობინება ელექტრონული ფოსტის მეშვეობით) შეწყვეტამდე ერთი თვით ადრე. ხელშეკრულების ნებისმიერი მიზეზით შეწყვეტის შემთხვევაში მხარეთა შორის უნდა მოხდეს საბოლოო ანგარიშსწორება.

5.2. საკითხები, რომლებიც განხილული არ არის ამ ხელშეკრულებაში, გადაწყდება დამატებითი ხელშეკრულების დადებით.

5.3. ქონებრივი ან არა ქონებრივი დავა, რომელთა გამო მხარეები ვერ შეთანხმდებიან, გადაწყდება სასამართლოში საქართველოს კანონმდებლობის შესაბამისად.

5.4. მნიშვნელოვანი ინფლაციის შემთხვევაში (15 %-ზე მეტი) "კოდექს-ოფისი"-ს ინფორმაციული განახლების ანაზღაურება შეიძლება შეიცვალოს მხარეთა შეთანხმებით.

6. ხელშეკრულების მოქმედების ვადა და მხარეთა იურიდიული მისამართები

6.1. ხელშეკრულება ძალაში შედის მხარეთა მიერ ხელმოწერის თარიღიდან და მოქმედებს 2013 წლის 31 დეკემბრის ჩათვლით.

6.2. ხელშეკრულება შედგენილია ორ ეგზემპლარად და ორივეს თანაბარი იურიდიული ძალა ენიჭება მხარეთა მიერ ხელშეკრულების ხელმოწერის დღიდან.

6.3. მხარეთა იურიდიული და საბანკო რეკვიზიტებია:

შ.პ.ს. "ინფოსერვისი"
საიდენტიფიკაციო კოდი 200001229
მისამართი: თბილისი, კ. ხეთაგურთის 4
ტელ: 2- 95-10-36
საბანკო რეკვიზიტები:
ბანკი "რესპუბლიკა"-ს სადგურის ფილიალი
ანგარიშის № GE31BR0600003608002037
ბანკის კოდი REPLGE22

ისანი-სამგორის რაიონის საგანმანათლებლო
რესურსცენტრი
საიდენტიფიკაციო კოდი: 202347004
მისამართი: ავლაზრის ქ. 34
ტელ: 227 37 85
საბანკო რეკვიზიტები:
სს „ბაზის ბანკი“
ბ/კ: 220101107
ანგარიშის №200122900

შ.პ.ს. "ინფოსერვისი"-ს
დირექტორი
ზურაბ თეთრაძე

ბ.ა



ისანი-სამგორის რაიონის საგანმანათლებლო
რესურსცენტრის უფროსი
ნანა ჩეკურიშვილი

